

二

吳黼堂
評註

陳無擇三因方

上海棋盤街
文瑞樓印行



省中居藥學委員會

編譯 11-185 $\frac{2}{8}$

亦如
子如
如

三因極一病源論萃方卷之三

敘痺論

夫風濕寒三氣禱至合而為痺。雖曰合痺。其用自殊。風勝則為行痺。寒勝則為痛痺。濕勝則為着痺。三氣襲人經絡。入於筋脈皮肉肌骨。久而不已。必入五藏。凡使人煩滿喘而吐者。是痺客於肺。煩心上氣。噤乾恐噫厥脹滿者。是痺客於心。多飲數小便。小腹痛如懷孕。夜卧則驚者。是痺客於肝。善脹尻以代踵。脊以代頭者。是痺客於腎。四肢懈怠。發咳嘔沫。上為大塞者。是痺客於脾。又有腸痺者。數飲而小便不利。中氣喘急。時發飧泄。又胞痺者。小腹按之內痛。若沃以湯。溢於小便。上為清涕。又六腑各有俞。風寒濕中其俞。而飲食應之。故循俞而入。各舍其府。治之隨其府俞。以施針灸之法。仍服逐風濕寒發散等藥。則病自愈。大抵痺之為病。寒多則痛。風多則行。濕多則着。在骨

則重而不舉。在脈則血凝而不流。在筋則屈而不伸。在肉則不仁。在皮則寒。逢寒則急。逢熱則縱。又有血痺。以類相從。附於此門。外有支飲作痺。見痰飲門。

合痺治法

附子湯 治風濕寒痺。骨節疼痛。皮膚不仁。肌肉重者。四肢緩縱。

附子

生去皮臍

白芍

桂心

人參

茯苓

各三分

白朮

一兩

甘草

右剉散。每服四錢。水三盞。煎七分。去滓。食前服。

黃芪五物湯

治尊榮人。骨弱。肌膚盛。重困疲勞。汗出。卧不時動搖。

加以微風。遂作血痺。脈當陰陽俱微。尺中小緊。身體如風痺狀。

黃芪

白芍

桂心

各等分

生薑

五片

大棗

三枚

食前服

黃芪酒

治風寒濕痺。舉體腫滿。疼痛不仁。飲食惡冷。嗇嗇惡寒。胸

中痰滿。心下塞。方見中風門。

歷節論

夫歷節證。疼痛不可屈伸。身體尪羸。脚腫如脫。其痛如掣。流注骨節。短氣自汗。頭眩。嘔嘔欲吐者。皆以風濕寒相搏而成。其痛如掣者。為寒多。腫滿如脫者。為濕多。歷節黃汗出者。為風多。顧病源所載。飲酒當風。汗出入水。遂成斯疾。原其所因。雖涉風濕寒。又有飲酒之說。似屬不內外因。亦有不能飲酒而患此者。要當推求所因。分其先後輕重為治。久而不治。令人骨節蹉跌。變為癩病。不可不知。

歷節治法

芍藥知母湯 治諸肢節痛。身體尪羸。脚腫如脫。頭眩短氣。嘔嘔欲吐。

桂心 知母

防風 各四兩

白芍

炙草

麻黃

附子

炮去皮臍 各三兩

每服四錢。加生薑五片。空心服。一法。加白朮。川芎。杏仁。半夏。

烏頭湯 治病歷節。不可屈伸。

烏頭煎取一枚。剉以蜜二升。煎取一升。去烏頭。麻黃去節 炙草 芍藥 黃芪

右剉散。每服四錢。水二盞。煎七分。去滓。投前蜜煎一升。空心溫服。

千金方。有乾薑。桂心。大棗。無黃芪。麻黃。治寒散腹中絞痛。賊風入

腹。攻五臟。拘急。不能得轉側。叫呼發作。有時使人手足厥逆。

附子八物湯 治歷節風。四肢疼痛。如槌鍛。不可忍。

附子 桂心 炮薑 白芍 茯苓 炙草各三兩 人參一兩

白朮四兩

每服四錢。煎。去滓。食前服。一方。去桂。用地黃二兩。

獨活寄生湯 治歷節風。近人用之。甚效。亦治腰背痛。及脚氣流注。

獨活三兩 桑寄生 杜仲薑製 細辛 牛膝 秦艽 人參

茯苓 炙草 白芍 川芎 當歸 熟地 防風 桂心
各二
每服四錢空心服。

吳黼堂曰此兩症之漫性者考中西醫俱無速愈之方西醫每注射皮下輕減其痛中醫必須通絡透濕及外治蒸熨抽拔之法然往往以針法取效最捷此乃軀殼之症徒恃藥劑不足以愈病也

敘腳氣論

夫中風寒暑濕與腳氣皆有漸頓淺深之不同中風寒暑濕得之頓而淺腳氣得之漸而深以其隨臟氣虛實寒熱發動故得氣名其如循經絡入藏府證候雖不一然三陽多熱躁三陰多熱煩亦可推求但腳氣不專主一氣亦不專在一經故與中風寒暑濕為異耳兼有續生諸病混雜多端未易分別治之須尋其經絡病症所在去處然後以脈察其虛實淺深為治假如三陽經絡其診多在足外踝及手

背三陰經絡。其診多在足內踝及臂內。以此粗分陰陽。可知大概矣。其如風寒暑濕性用各各不同。所謂風為行。寒為痛。暑為頑。濕為着。乃不刊之論。千金方論與董氏類門類皆蹈襲舊說。似難憑據。惟留心斯道者。必有至當之論焉。

敘千金論

千金論。脚氣皆由感風毒所致。多不令人便覺。或因他病。乃始發動。或奄然大悶。經三兩日。方始覺之。庸醫不識。慢或作餘疾治之。莫不盡斃。緣始覺甚微。食飲嬉戲。氣力如故。惟卒起脚屈弱為異耳。乃論風毒相冒云。夫有脚未覺異。而頭項臂膊。已有所苦。諸處皆悉未知。而心腹五內。已有所困。或見食嘔吐。憎聞食臭。或腹痛下利。或大小便秘瀉。或胸中衝悸。不欲見光明。或精神昏憤。語言錯亂。或壯熱頭痛。或身體酷冷。疼煩。或覺轉筋。或腫。或胫腿頑痺。或時緩縱不隨。或

復百節攣急。或小腹不仁。皆謂脚氣狀貌也。至於婦人產後取涼。多中此毒。其熱悶掣。縱驚悸。心煩。嘔吐。氣上。臍下冷痞。幅幅然不快。兼小便淋漓。不同生平。皆係脚氣之候。頑弱為緩風。疼痛為濕痺。右件千金節文。備敘諸症。不說陰陽經絡所受去處。亦不分風濕寒熱四氣。及內藏虛實所因。後學從何為治。若一一信書。不若無書為愈。此之謂也。

脚氣脈證

脚氣證狀固多。但當以脈證分其陰陽。使無差悞。所謂脈浮為風。緊為寒。緩細為濕。洪數為熱。見於諸陽。病在外。宜發散之。則愈。沉而弦者。亦為風。沉而緊者。亦為寒。沉細為濕。沉數為熱。見於諸陰。病為裡。宜溫利之。則愈。外證自汗走疰。為風勝。無汗疼痛攣急。為寒勝。腫滿重着。為濕勝。煩渴熱煩。為暑勝。四氣兼有。但推其多者為勝。治之當以

諸證互辨。而分表裡。寒則溫之。熱則寒之。在表則散。在裏則下。若大虛氣乏。間作補湯。隨病冷熱而用之。不可拘不可服補藥。

敘太陽經腳氣證

病者頭痛。目脫。項強。腰脊連體。樞循臂外。出外踝之後。循京骨。至小指外側。皆痛者。乃足太陽膀胱經。為風寒暑濕流注。自汗者為風勝。無汗疼痛為寒勝。熱頑為暑勝。重着腫滿為濕勝。諸經皆當如此推。凡太陽經。宜隨四氣發散而愈。

太陽經腳氣治法

麻黃佐經湯 治風寒暑濕流注。足太陽經。手足攣痺。行步艱難。增寒發熱。無汗惡寒。或自汗惡風。頭痛眩暈。腰重關節疼痛。

麻黃去節

乾葛

細辛

白朮

茯苓

防己

桂心

羌活

防風

炙草等分

右為粗末。每服四錢。水二盞。薑三片。棗一枚。煎七分。去滓。空心服。自汗去麻黃。加桂枝。白芍。重着加白朮。橘皮。無汗減桂。加杏仁。澤瀉。所加並等分。

陽明經腳氣證

病者淒淒寒。熱呻欠。口鼻乾。腹脹。髀膝臍中。循胛外廉。下足跗。入中指內間。皆痛者。乃足陽明胃經為風寒暑濕流注之所。為四氣偏勝。並如上說治之。宜隨四氣微利之。

陽明經腳氣治法

大黃佐經湯 治風寒暑濕流注足陽明經。使腰脚痺痛。行走艱難。涎潮昏塞。大小便秘澁。腹痛嘔吐。或復下利。惡聞食氣。喘滿肩息。或自汗。譫語。

大黃 細辛 茯苓 防己 羌活 黃芩 前胡 枳殼 厚

朴薑製

炙草

杏仁

麩炒去皮
尖別研

右剉散。每服四錢。薑三片。棗一枚。煎七分。去滓。空心熱服。腹痛加白芍。秘結更加阿膠。喘加桑皮紫蘇。小便秘加澤瀉。四肢瘡痒浸淫。加升麻。所加並等分。

荷葉蘘本湯

治脚趺生瘡。浸淫腿膝。濃汁淋漓。熱痺痛痒。

乾荷葉

四張

蘘本

等分

右以水二斗。煎減五升。去滓。溫煖得所。淋瀝。仍服大黃佐經湯佳。

少陽經脚氣證

病者口苦。善太息。脇痛面垢。體無膏澤。頭額目銳。背痛。缺盆并腋下。馬刀腫。自汗。振寒。發熱。胸中脇肋髀膝外。至脗絕骨外踝。及諸節指。皆痛者。乃足少陽膽經。為風寒暑濕流注之所。為四氣偏勝。例如前說。治之宜隨四氣和解。

少陽經脚氣治法

半夏佐經湯 治足少陽經為風寒暑濕流注發熱腰脇痛頭疼眩
暈嘔吐宿汁耳聾驚悸熱悶心煩上氣喘滿肩息腿痺縱緩不隨
半夏 乾葛 細辛 白朮 茯苓 桂心 防風 炮薑 黃
芩 遠志 炙草 柴胡 麥冬 各三分 每服四錢薑三片棗
一枚煎七分空心服如熱悶加竹瀝半合喘滿加桑皮杏仁。

料簡三陽并合脚氣

三陽經有并有合如太陽并少陽少陽并陽明陽明并太陽三陽合
病皆于經絡中推考其診隨證治之所謂并者二經相并合者三經
會合以此強分使名義易曉不必論其一二也

三陽并合脚氣證治

病者憎寒壯熱自汗惡風或無汗惡寒暈眩重着關節掣痛手足拘

攣。疼痛冷痺。緩縱不隨。心燥氣上。嘔吐下利。此皆三陽經中風寒暑濕。其脈必浮弦緊數。

大料神秘左經湯 治風寒暑濕流注足三陽經。手足拘攣疼痛。行步艱難。憎寒發熱。自汗惡風。頭眩腰重。關節掣痛。或卒中昏塞。大小便閉澇。或腹痛。嘔吐下利。惡聞食氣。髀腿頑痺。緩縱不隨。熱悶驚悸。心煩氣上。臍下冷痺。喘滿肩息。

麻黃 乾葛 細辛 厚朴 茯苓 防己 枳殼 桂心 羌

活 防風 柴胡 黃芩 遠志 炮薑 半夏 麥冬 甘草

分等

右剉散。每服四錢。加生薑三片。棗一枚。空心服。自汗。加牡蠣白朮。去麻黃。腫滿。加澤瀉木通。熱甚無汗。去桂。加陳皮。前胡。升麻。腹痛。吐利。去黃芩。加芍藥。附子。大便秘。加大黃。竹瀝。喘滿。加杏仁。桑皮。

紫蘇所加並等分。凡有此病。詳認證狀。逐一加減。無不愈者。常服下氣消痰。散風濕。退腫。進食飲。令人不虛。江南諸師。固秘此方。雖父子兄弟不傳。學者當敬用之。

加味敗毒散 治三陽經腳氣流注。腳踝上焮熱赤腫。寒熱如處。自汗惡風。或無汗惡寒。

羌活 獨活 前胡 柴胡 枳殼 桔梗 人參 茯苓 甘草
川芎 大黃 蒼朮

右剉散。每服四錢。薑三片。薄荷一頭。煎七分。熱服。不過二服。愈。皮膚癢。痒如赤疹。加蟬退。

太陰經腳氣證治

病者腹滿。挾咽連舌系急。胸膈痞滿。循行骨。下股膝內前廉內踝過核骨後。連足大指之端內側。皆痛者。乃足太陰脾經。為四氣流注之

所為也。四氣偏勝。並如前說。治之。各隨其氣所中輕重。溫散之。

六物附子湯 治四氣流注足太陰經骨節煩疼。四肢拘急。自汗短氣。小便不利。惡風怯寒。頭面手足時時浮腫。

附子

桂心各四兩

白朮

茯苓各三兩

防己四兩

甘草二兩

每服四錢。薑七片。煎服。

少陰經脚氣證治

病者腰脊痛。小指之下連足心。循內踝入跟中。上膈內。入膈中。內廉股內皆痛。上衝胸咽。飢不能食。面黑。小便淋閉。咳唾不已。善怒。心惕。惕若人將捕之狀。小腹不仁者難治。足陰腎經為四氣流注之所為也。四氣偏勝。並如前說。治之。各隨其氣所中輕重。而溫補之。

八味丸 治少陰腎經。脚氣入腹。小腹不仁。上氣喘急。嘔吐自汗。此證最忌。以腎乘心。尅火。死不旋踵。

熟地

八兩

牡丹皮

茯苓

澤瀉

各三兩

山萸肉

山藥

各四兩

附子

肉桂

各一兩

右為末。蜜丸。桐子大。酒服五十九。溫酒米湯食前服。

厥陰經脚氣證治

病者脇肋偏疼。從足大指連足趺上廉上臑。至內廉循股內陰器抵小腹夾臍。諸處脹痛。兩脚攣急。咽乾嘔逆。洞泄者。足厥陰肝經為四氣流注之所為也。四氣偏勝。並如前說治之。各隨其氣所中輕重而調治之。

神應養真丹

治厥陰肝經為四氣進襲肝藏。左癱右瘓。涎潮昏塞。

半身不遂。手足頑麻。語言蹇澁。頭旋目眩。牙關緊急。氣喘自汗。心神恍惚。肢體緩弱。上攻頭目。下注脚膝。榮氣凝滯。遍身疼痛。兼治產後中風。角弓反張。墮車落馬。打撲損傷。瘀血在內。

川芎 當歸

酒浸

白芍

熟地

羌活

天麻

右等分。一法無羌活。加木瓜炒烏膏為末。蜜丸如雞子黃大。每服一丸。木瓜兔絲子浸酒下。脚痺米仁浸酒下。中風溫酒米湯下。

料簡三陰併合脚氣

傷寒三陽有併合。三陰無併合。脚氣則不然。以久滯藏氣隨其虛實。寒熱而流注。故病多併合。不可不知。

三陰併合脚氣治法

病者腹滿胸痞。骨節煩痛。四肢浮腫。上氣喘急。小腹不仁。腰節足心。臑膈皆痛。脇腰偏疼。陰氣抵小腹。夾腰諸處脹痛。此皆三陰經中風。寒暑濕。其脈必沉細遲澀。

抱龍丸 治肝腎藏虛。風濕進襲。流注腿膝。行步艱難。漸成風濕。脚氣。足心如火。上氣喘急。小腹不仁。全不進食。

赤小豆

四兩炒

五靈脂

白膠香

破故紙

狗脊

火去毛

木鱉

子海桐皮

威靈仙

地龍

草烏

米泔浸三日淨洗去皮毛各一兩

右為末酒糊丸桐子大。硃砂為衣。鹽酒下五十九

川漆煎

治肝腎虛為風寒濕毒所中。流注腿膝。歷節疼痛。如錐刀

鍛刺不可名狀

大烏頭

十箇端正者。搥破。以紙袋盛。或黑豆一升。覆蒸一日。取出去豆不用。去皮尖。晒乾。

川牛膝

二兩晒乾

以上二味。並不得見銅鐵器。及火與日。以木臼細搗碎。牛膝同入

石磨中。磨為末。酒糊丸如桐子大。每服四十九。用好酒一瓶。將中

樣木瓜一箇。切作片子。入瓶中。浸木瓜爛為度。此酒不以時下

十全丹。治脚氣上攻。心腎相繫。足心隱痛。小腹不仁。煩渴。小便或

秘。或利。關節攣痺。疼痛。神效不可具述。

菴蓉

酒浸

石斛

酒浸

狗脊

火去毛

草解

茯苓

牛膝

酒浸

地仙子

遠志

去心炒
各一兩

熟地

杜仲

各三兩
去皮

右為末。蜜丸。桐子大。每服五十九。溫酒鹽湯下。

乳香宣經丸

治體虛為風濕寒暑所襲。四氣相搏。半身不遂。手足

頑麻。骨節煩疼。足胫浮腫。惡寒發熱。漸成脚氣。肝腎不足。四肢攣

急。徧身攻注。或閃胸打撲。內傷筋骨。及風邪內搏。男子疝氣。婦人

經水不調。常服活血止痛。補虛壯筋骨。

威靈仙

去蘆洗

烏藥

茴香

炒

川練子

剉炒

牽牛子

炒

橘

皮

去白

草薺

防風

各二兩

五靈脂

乳香

各半兩

草烏

黑豆一合

同煮。竹刀切。看透黑為度。去皮尖。焙各五錢。

右為末。酒糊丸。桐子大。鹽酒下五十九。婦人食前醋湯下。

大犀角丸

治脾腎經脚脛腫痺。小腹頑麻。上攻頭面。通身浮腫。小

便不利。上氣喘滿。悶絕欲死。

犀角 黃芩 旋覆花 白朮 肉桂 防己各二兩 香豉畧炒

橘皮 茯苓各三兩 前胡 桑皮 紫蘇莖葉以上各四兩

右為散。每服四錢。加薑五片。棗二枚。喘加杏仁。煎服。

四蒸木瓜丸 治肝腎脾三經氣虛為風寒濕搏着流注經絡。竭日

曠歲。治療不痊。凡遇六化更變。七情不寧。必至發動。或腫滿。或頑痺。憎寒壯熱。嘔吐自汗。

威靈仙與苦苧菴同入 黃芪與續斷同入 蒼朮與橘皮同入 烏藥與黃松節同入

右藥各五錢。以大木瓜四隻。切蓋去穰。入前伴藥。仍用蓋簪定。酒蒸熟。三蒸三晒。取藥出。焙乾為末。研瓜為膏。搜和搗千杵。丸如桐子大。空心。溫酒鹽湯任下五十丸。世傳木瓜丸最多。惟此方有效。宜敬用之。黃松節。即茯苓中木是也。

逐毒湯 治肝脾腎三經。為風濕寒熱毒氣上攻。陰陽不和。四肢攣

拘。上氣喘滿。小便秘澀。心熱煩悶。遍身浮腫。脚弱。

半夏 四兩

黃芪

炙草

當歸

人參

厚朴

薑製

獨活

陳皮

各一兩

熟地

白芍

枳實

麩炒

麻黃

去節各二兩

桂心

三兩

五倍子

廿一

每服四錢

薑七片

棗三枚

空心

溫服

日三服

夜一服

脚氣總治

千金脚氣論。在諸風之前。良有以也。方論雖多。識病者少。或覺之傷晚。或狐疑不決。枉死者半。信不誣矣。凡有此症。最宜急治。緩則入腹。攻五臟。雖神丹亦無如之何。又久患。續生諸病。如大小便不利。腫滿。飲食傷等。不妨別為治。所謂先去新病。病當在後。若總而治之。則亦庶乎其可也。

烏藥平氣湯

治脚氣

上攻

喘滿

及五臟

偏勝

諸氣

不和

喘咳

奔沖

坐卧不安。頭暈脚弱。上實下虛。

烏藥 人參 白朮 川芎 當歸 茯神 炙草 白芷 木

瓜乾 五味子 蘇木

各等分

右為末。薑五片。棗二枚。煎湯調服。每服四錢。

蘇子湯 治脚弱上氣。陰陽交錯。清濁不分。上重下輕。中滿喘急。嘔

吐自汗。無復紀律。千金云。宋湘王在南州。患脚氣困篤。服此得效。

蘇子 黑炒

半夏 各五兩

前胡 去苗

厚朴 去皮

炙草 當歸

各二兩

桂心

陳皮 各三兩

右剉散。每服四錢。薑七片。棗二枚。煎七分。食後服。人謂俞山人降

氣湯是也。好事者復加附子黃芪。又改其分兩。亦班人太醫方。用

者宜知之。

木瓜牛膝丸 治寒濕脚氣。冷濕下注。脚弱無力。或腫急疼痛。兼治

婦人血風大固腎氣活血壯筋絡

木瓜

大者三四枚開蓋去心先用糯米漿過焙乾為末却將鹽末入木瓜內令滿仍用蓋針定蒸三次爛研成膏

川

烏

大者去皮尖用好酒一升浸薄切酒煮乾研為膏用三兩牛膝酒浸

茴香炒

草解

羌

活青皮

青鹽

另研

狗脊

燎去毛

巴戟

海桐皮

各一兩

右為末入青鹽和勻將前二膏搜為丸如硬再入酒杵數次丸如

桐子大食前鹽酒任下五十丸

茱萸丸 治脚氣入腹腹脹不仁喘悶欲死

吳茱萸

湯泡

木瓜

去心切片作丸

右等分酒糊丸如桐子大酒下百丸或以木瓜蒸爛研膏為丸尤

妙。

黑附丸

乾濕脚氣皆治

附子

八錢去皮臍

黑豈

半斤入磁瓶內慢火煮以附子爛為度

右熟豈一合同附子研作餅焙乾為末蜜丸皂角仁大每服二丸

空心用射香酒下。

木通散 治脚氣服補藥太過小便不通淋閉臍下作脹

當歸 梔子炒 赤芍 赤茯苓 生甘草

各一兩

右為散每服三錢水煎服

桑皮赤苳散 治脚氣證小便澁兩脚腫氣脹

赤小苳半斤 桑皮 紫蘇一握 生薑五錢

右為散水三升煮豆熟取苳食去藥滓仍取餘汁飲之

勝駿丸 治元氣不足真氣虛弱及諸虛寒濕氣進襲手足拳攣脚

指連脚面拘急走注疼痛筋脈不伸行走不隨常服益真氣壯筋

骨黑髭鬚滑皮膚一切足弱鶴膝諸風

附子一枚炮去皮膚 當歸酒浸一日 牛膝酒浸 天麻酒浸 棗仁炒

熟地酒浸 防風二兩 木瓜四兩 乳香五錢另研 麝香一錢

全蝎 去毒

木香

沒藥 另研

羌活

炙草 各一兩

右為細末。用生地三斤。淨洗

研如泥

入無灰酒四升。煮爛如膏。以前

藥令勻和。杵令堅。每兩作十丸。每服一丸。臨卧細嚼。酒下。地黄膏。春夏極多。遇冬或無。地黄以蜜丸。如桐子大。用鹽湯或溫酒下。五十九丸。

勝駿丸加減法

檳榔

草薺

茯苓

酒浸

破故紙

炒

巴戟 肉

右五味各添一兩。內熟地當歸各減

減原作增

一兩。尤妙。如服此藥。至

五七日。或半月。見效甚速。行步如飛。千里可至。乃名勝駿。

換腿丸

治足三陰經虛。為風寒暑濕。進襲攣痺。緩弱。上攻胸脇肩

背。下注脚膝疼痛。漸成風濕脚氣。行步艱難。足心如火。上氣喘急。

全不進食。

石楠藤 南星

炮

石斛

酒浸

牛膝

酒浸

羌活

米仁

炒

防風

草薢

黃芪

蜜炙

天麻

當歸

酒浸

續斷

各一兩半

木

瓜四兩

檳榔

二兩半

右為末。酒煮。麪糊為丸。如桐子。每服五十丸。空心溫酒鹽湯任下。吳黼堂曰。脚氣以南方為多。病多由水土不服。廣東何西池有脚氣專書。甚精。當取閱之。

又曰。脚氣之急性者。嘔吐喘急。腹脹脈數而勁。心體不安。一二月即死。此外臺秘要。所謂脚氣衝心。千金論所謂脚氣入腹則殺人。也。此等中醫無必效方法。西醫治法。心悸用毛地黃。嘔吐含冰片。服古加乙。涅顏面蒼白。及有心臟麻痺之虞者。用樟腦赤葡萄酒。麻痺症。注射斯篤利。幾尼涅。施電氣療法。往往可治。此症當急救之。

又曰脚氣須分乾濕二種施治陳無擇此篇名目太多未得執簡御繁之法也

三因極一病源論粹方卷之三終

三因極一病源論粹方卷之四

敘傷風論

經云春傷風夏飡泄此乃四時之序也。或表中風在經絡中循經流注。以日傳變與傷寒無異。但寒泣血無汗惡寒。風散氣有汗惡風為不同耳。仲景正以此格量太陽經傷寒傷風用藥不同。而纂集者不識門類。遂雙編二證。使後學混濫。卒不知歸。甚者以傷風暑濕時氣疫疹。凡曰太陽病者。皆謂之傷寒。晉人不經類皆如此。固不足道。但名義乖錯。惑於後人。不可不與之辨。今別立傷寒一門。於四淫之前。且依先哲以太陽為始。分注六經。學者當自知。

傷風證治

足太陽膀胱經傷風有汗惡風不惡寒。頭項強腰脊痛。以其脈從巔入絡。腦還出。別下項。循肩膊內。挾脊抵腰中。故太陽諸證如是。治之宜桂枝湯。

桂枝湯 治太陽傷風脈陽浮陰弱營弱衛強頭痛鼻鳴乾嘔發熱自汗惡風或煩熱汗出則解有如瘧狀者

桂枝

去皮

芍藥

各一兩五錢

甘草

一兩

右以咀每服五錢水盞半煎八分去滓食前服溫覆令徧身微汗愈或發滯滿不止惡風小便難四肢拘急者加熟附子一分或項強兀兀反汗出惡風者加葛根一兩三錢或汗出後身疼痛脈沉遲者加芍藥生薑各五錢人參兩五錢或下後脈促胸滿者去芍藥若微寒乃加熟附子或下後頭項強痛翕翕發熱無汗心下滿微痛小便不利者去桂加茯苓白朮各兩五錢太陽外證未除而數下之挾熱利不止心下痞硬表裡不解加人參一兩或下之微喘者加厚朴六錢杏仁十七粒因燒鍼令汗鍼處被寒核起而赤必發奔豚灸其核各一壯加桂一兩與服因燒針煩躁者去芍藥

減桂一兩。加牡蠣龍骨各一兩。可代救逆湯。

足陽明胃經傷風。口燥煩渴。自汗嗜卧。身重小便難。以其脈俠鼻絡。目下膈屬胃絡脾。俠臍入氣街。故陽明諸證如是。治之宜杏子湯。

杏子湯

治陽明傷風。能食口苦。咽乾腹滿。微喘發熱惡風。自汗嗜

卧身重。小便難。潮熱而噦。其脈浮弦長而數。悉主之。

杏仁

去皮

半夏

湯去

五味

各二錢半

芍藥

桂心

細辛

炮

薑

大黃

蒸

甘草

各三錢

茯苓

各四錢

右咬咀。每服四錢。水一盞半。煎至七分。去滓。食前服。

足少陽膽經傷風。身熱惡風。自汗項強。脇滿。以其脈起於目兌。皆上抵頭角。交出人缺盆。下胸中。貫膈絡肝。循脇裏。出氣街。合髀厭中。故少陽諸證如是。治之宜柴胡加桂湯。

柴胡加桂湯

治少陽傷風。四五日身熱惡風。頭項強。脇下滿。手足

溫。口苦而渴。自汗。其脈陽浮陰弦。或發汗多。亡陽。譫語。可以此和其榮衛。通其津液。自愈。

柴胡

一兩
三錢

半夏

四錢
一分

芍藥

黃芩

人參

各五錢

甘草

三錢

桂枝

五錢

右咬咀。每服五錢匕。水一盞半。薑五片。棗一箇。煎七分。去滓。食前溫服。

足太陰脾經傷風。自汗。胸滿腹痛。四肢怠倦。以其脈入腹絡胃。上膈。俠咽。連舌本。散舌下。故太陰諸證如是。治之。宜桂枝芍藥湯。

桂枝芍藥湯

治太陰傷風。自汗咽乾。胸腹滿。自利不渴。四肢倦怠。手足自溫。其脈弦大而緩者。

桂枝

五錢

白芍

三兩

右咬咀。每服五錢匕。水一盞半。薑三片。棗一枚。煎七分。去滓。溫服。

腹痛甚者加大黃一兩

足少陰腎經傷風口燥舌乾咽痛胸滿心煩自汗腰連筋骨酸痛以其脈貫脊屬腎上貫肝膈入肺中循喉嚨俠舌本故少陰諸證如是治之宜桂附湯

桂附湯 治少陰傷風胸滿心煩咽喉痛自汗腰疼連筋骨酸痛嘔吐涎沫頭痛其脈沉弦者

附子

生去皮

桂心

乾薑

芍藥

甘草

炙

茯苓

桃仁

去皮

炒各一兩

右咬咀每服四錢水二盞煎七分去滓食前服或咽喉痛加桔梗足厥陰肝經傷風自汗惡風而倦小腹急滿以其脈循股入毛中環陰器抵小腹俠胃絡胆布脇與督脈會故厥陰諸證如是治之宜八物湯八物湯 治厥陰傷風而勑自汗小腹急滿寒熱如瘧骨節煩疼其

脈尺寸俱微而遲者。

桂心 當歸 川芎

前胡

防風

各三分

芍藥

兩半

甘草

炙

茯苓

各五錢

右咬咀每服四錢水一盞半薑五片棗三箇煎八分去滓食前服。

敘傷寒論

經云冬傷於寒春為溫病以冬不即病其寒毒藏於風府之上至春溫煖之氣發而為病故曰溫病或愈或死死則六七日間愈則多出旬日之外世號為大病要當隨此經絡傳變仍以脈證別之乃可施治治傷寒法蓋盡於此至晉集仲景論於太陽經出麻黃桂枝二方治傷寒傷風并錄預備救失加減之法甚詳至陽明少陽與三陰經傷風證治則淺聞矣故知仲景只就太陽一經格量二病今勿差誤編集既不詮辨後學懵無所知昏翳典墳千有餘載畧不加省良可

可嘆息。今輒提其六經傷寒合用對治諸方。以為宗法。其如壞證治法。餘各見本門外。編集於後。使皂白自分。初不敢取諸胸臆。蓋有所本於聖經也。

傷寒辨證

內經論傷寒。惟說足三陰三陽六經傳受。愈否日數。及各隨其藏府經絡流注去處。而證以行汗下。并兩感脈。應病形而已。至張長沙。以伊尹湯液作治法。兼述傷寒暑濕等。詳畧不同。格量互顯。使後學舉隅而反。至晉不解其義。隨行編集。遂行於世。此後蹈襲者不可勝計。所謂百問証治。提綱目。錄撮要。備全活人書。傷寒論乃至圖形指脈。皆剝採晉集。初無反隅。雖有意于廣傳。皆未明其義類。緣晉集不識偏正。以此類豫備之方。雜於正治。而正治之方。多所簡脫。故使典籍愈翳。後學固守。不削繁蕪。罔知樞要。因別論於後云。

傷寒證治

足太陽膀胱經傷寒。頭項強。腰脊痛。無汗惡寒。其經絡流注去處與傷風同。但脈浮洪緊數為異耳。惟足太陽寒水為諸陽主氣。故寒先傷之。

麻黃湯 治太陽傷寒。脈浮緊而數。頭痛身疼。發熱惡寒。無汗胸滿而喘者。

麻黃

桂枝

各一兩

甘草

五錢

杏仁

廿五粒

右咬咀。每服五錢。水一盞半。煎八分。去滓。食前服。覆取微汗。夏則加知母五錢。石膏一兩。黃芩一錢。或汗出後。無大熱而喘者。去桂加石膏四兩。

小青龍湯 治傷寒表未解。心下水氣。乾嘔發熱而欬。或渴或利。或噎。或小便不利。小腹滿而喘者。

麻黃 細辛 去苗 炮薑 甘草 炙 桂枝 芍藥 各三兩 半夏

五味 各二兩半

右咬咀。每服五錢。水二盞。煎八分。去滓。食前溫服。噎者去麻黃。加熟附子一錢。若小便不利。小腹滿者。加茯苓一錢。喘者加杏仁七粒。去皮尖。

溫粉 凡發汗不欲多。多則亡陽。宜用此粉撲之。即愈。效如神。

白芷 藁本 川芎 白朮

右為末。每末一兩。入米粉三兩。和勻撲之。

大青龍湯 治太陽中風。傷寒。脈緊。發熱惡寒。身疼。不汗出而煩渴。

或脈浮緩。身不疼。但重。乍有輕時。或傷寒見風脈。傷風見寒脈。

麻黃 去節 三兩 桂枝 甘草 各一兩 杏仁 去皮 共 石膏 各一兩

右剉為散。每服五錢。水一盞半。薑五片。棗一個。煎七分。食前服。

足陽明胃經傷寒。身熱目痛。而鼻乾。不得卧。不惡寒。腹滿咽乾。口燥而渴。其脈流注與傷風同。以陽明主內。故次傳之。

大承氣湯 治陽明傷寒。脈長身熱。不惡寒。自疼。鼻乾。不得卧。腹滿咽乾。而渴。大便硬。譫語。或汗後脈沉實。或下利。心下堅。或已經下。其脈按之浮沉。尚有力者。

大黃

酒洗五錢

芒硝

一分別研八

厚朴

一兩薑汁炒

枳實

一分麩炒

右為末。每服五錢。水二盞。煎八分。去滓。入硝再煎。若脈遲而滑。汗出身重。時發潮熱。并得病二三日。無太陽證。煩躁。心下硬。下利後譫語者。去芒硝。名小承氣湯。或發汗不解。蒸蒸發熱。噉噉欲吐。胃中痛。大便反澹。及吐利後。腹脹厥煩。譫語。去厚朴。枳實。入甘草五錢。芒硝一分。名調胃承氣湯。或結熱膀胱。如狂狀。下血。小腹急結者。去厚朴。枳實。加桃仁十二枚。桂枝。甘草五錢。硝一分。名桃仁

承氣湯。

大柴胡湯 治證狀大畧與大承氣湯同。輕則大柴胡重則承氣。

柴胡

四兩

半夏

一兩

黃芩

赤芍

各兩

大黃

一兩

枳實

一兩
麩炒

右為粗末。每服三錢。水一盞半。薑五片。棗一枚。煎八分。去滓。食後溫服。若內熱理實。身體疼痛。是表證未解。不可服。

足少陽膽經傷寒。胸脇痛。耳聾。口苦咽乾。往來寒熱。目眩乾嘔。其脈流注與傷風同。以少陽主膽。屬半表半裏。故三傳之。

小柴胡湯

治少陽傷寒。脈弦。或沉緊。往來寒熱。胸脇若滿。默默不

欲食。心煩喜嘔。或渴而腹痛。或脇下痞硬。或心悸。小便不利。或咳。有微熱。亦有不渴不嘔者。又治婦人傷風傷寒。經水適斷。發熱惡寒。晝日明了。暮則譫語。此為熱入血室。其血必結。故使如瘧狀。得

七分熱除脈遲身涼胸滿譫語如結胸狀前刺期門隨其實而取之投此湯即愈又太陽病不解轉入少陽并陽明傷寒脈反弦浮身目悉黃小便難潮熱時噦

柴胡

二兩

半夏

六錢

黃芩

人參

甘草

各三分

右剉為散每服五錢水一盞半生薑五片棗一枚煎七分去滓食前服若腹痛去黃芩加白芍三分心下悸小便不利加茯苓一兩若不渴則有微熱去人參加桂枝三分若欬嗽去棗加五味三分乾薑五錢胃中煩不嘔者去半夏加括萋實四分之一若渴去半夏加花粉一兩胸中痞硬去棗加牡蠣一兩若過經不解日晡發熱已而微利加芒硝一兩

足太陰脾經傷寒手足溫自利不渴腹滿時痛咽乾其脈流注與傷風同治之各有正方

治中湯 治太陰傷寒。手足溫。自利不渴。腹滿時痛。咽乾。其脈尺寸

俱沉細

人參 炮薑 白朮 陳皮 青皮 甘草

五積散 治太陰傷寒。脾胃不和。及有積聚腹痛。

蒼朮

米泔浸一宿。念兩。

桔梗 十兩

陳皮 六兩

白芷

甘草

炙。各三兩。

當歸

各二兩。

川芎

一兩。

芍藥

茯苓

半夏

各一兩。

麻黃

去節。湯煮。

春夏二兩。秋冬三兩。

乾薑

春夏兩半。秋冬二兩。

枳殼

四兩。麩炒。

桂心

春夏三兩。秋冬四兩。

厚

朴二兩。薑汁炒。

右先將前十二味。㕮咀。微炒。令香。取出。當風涼之。入後枳殼桂心

厚朴三味。同為細末。每服三錢。水一盞。薑三片。棗二枚。煎七分。食

前溫服。傷寒手足逆冷。自汗不止。脈沉細。面青。嘔逆。加順元散

一錢。同煎熟服。產婦痛陣。難產。經兩三日不生。胎死腹中。

產母氣乏委頓。產道乾澀。加順元散水七分。酒三分。同煎。相繼兩服。氣血內和。即產。胎死者。不過三服當下。其順元散多少。量產母虛實加減。傷寒發熱。使內寒者。加葱白二寸。豉七粒同煎。相繼服當以汗解。

順元散

烏頭

炮去皮
共二兩

附子

炮去
皮臍

南星

炮二
兩

木香

一兩

右為末。同前法煎。此藥治內外傷寒。脈沉伏遲細。手足冷。毛髮恂慄。傷寒陰症。大噉一二盃。氣和汗出即愈。

足少陰腎經傷寒。口燥舌乾而渴。背惡寒。反發熱。倦怠。其脈沉注。與傷風同。

麻黃附子細辛湯

治少陰傷寒。口中和。面背惡寒。反發熱。倦怠。自

汗而渴。其脈尺寸俱沉而緊者。

麻黃

附子

炮去
皮臍

細辛

各五
錢

右為粗末。每服四錢。水一盞半。煎七分。去滓。食前服。手足厥者。去麻黃細辛。加乾薑五錢。甘草一分。或口燥舌乾而渴。宜急下之。

足厥陰肝經傷寒。煩滿發熱。惡寒。往來如瘧。或囊縮。小腹急痛。其脈

流注。與傷風同。

本論用小建中湯。方見九痛門。去遠志。即是也。

麻黃桂枝各半湯

治厥陰傷寒。煩滿發熱。惡寒。往來如瘧。或囊縮。

其脈尺寸俱微緩者。主之。若脈沉短。其囊必縮。急以大承氣下之。可保五死一生。承氣湯乃利陽明藥耳。若病到厥陰。其勢已甚。益陽明養宗筋為熱毒所攻。乃以承氣湯瀉。其能養。故利陽以救陰。此猶假虞伐虢。圍魏救趙之意也。

桂枝

四錢

芍藥

麻黃

杏仁

十二粒
去皮尖

甘草

各五錢

右為粗末。每服五錢。水一盞半。煎八分。去滓。食前服。人薑棗煎亦得。

大承氣湯

方見足陽明經病

小建中湯

方見九痛門

傷寒傳變次序

內經熱論論傷寒云。太陽為諸陽主氣。傷寒必先自太陽始。至漢諸師。凡外所因。皆曰太陽病。未為了義。足太陽寒水。其位居辰。辰為六氣化原。故丙辛遁戊子。至辰為壬辰水。而太陽正化居馬。在天為寒。在地為水。寒喜歸水。故寒必首傷太陽。以此例推。寒既自太陽入。風當自少陽入。溫當自陽明入。經曰。陰為之主。陽為之正。別於陽者。知病從來。別於陰者。知死生之期。此之謂也。或問傳變次序當何如耶。然陰陽流行。出入次序。固有定說。及其中病。或喜入。或乘虛入。或成兩感。或守一經。其可拘也。但當以脈証分別陰陽表裡盛衰為治。又不可以日數期也。

料簡

論曰。有汗不得服麻黃。無汗不得服桂枝。切忌不可誤。若寒証見風脈。風証見寒脈。却以麻黃各半湯。古人治傷風。熱多寒少。惡風脈浮緊。無汗。用青龍湯。蓋先傷風而後傷寒。風證尚在。而寒脈已行。故有是備也。若先傷寒而後傷風。寒多熱少。不煩燥。微厥。脈當浮緩弱。而自汗。即傷寒。見風脈。但青龍緊暴。不若各半湯平和。無悔吝也。諸經皆倣此。

六經傷寒用藥格法

夫傷寒始自太陽。逆傳陽明。至于厥陰而止。六經既別。治法不同。太陽屬膀胱。非發汗不能愈。必用麻黃者。以麻黃生於中牟。雪積五尺。有麻黃處。雪則不聚。蓋此藥能通內陽氣。却外寒也。陽明屬胃。非通泄不能愈。必用大黃芒硝以利之。少陽屬胆。無出入道。柴胡與半夏。能利能汗。佐之以黃芩。非此不解。太陰屬脾。中州土也。性惡寒濕。非

乾薑白朮不能溫燥少陰屬腎性畏寒燥非附子則不能溫厥陰屬肝藏血養筋非溫平之藥不能潤養此經常之道也後學不知倫類妄意進餌遂至錯亂諸証蜂起天傷人命可不究辨且三陽病汗下和解人皆知之至太陰脾經溫燥不行亦當溫利自陽明出如溫脾丸用大黃者是也少陰腎經雖用附子復使麻黃則知少陰亦有太陽出厥陰用桂自少陽出明矣及其二陽鬱閉皆當自陽明出故三陰皆有下證如少陰口燥咽乾下利清水太陰腹滿時痛厥陰舌卷囊縮皆下之學者宜詳審不可率意易投也

溫脾丸 治久病虛羸脾氣弱食不消氣噫

黃栢 大麥芽炒 吳茱萸 桂心 炮薑 細辛 附子炮去皮臍

當歸 川連各一兩 神麴炒 大黃各一兩

右為末蜜丸桐子大每服三十九丸空腹酒飲任下

三陽合病脈證治

三陽有合病。三陰無合病。所謂三陽合者。有太陽陽明。有少陽陽明。自太陽傳至陽明。頭疼腰痛者。太陽也。肌熱目痛鼻乾者。陽明也。倘惡寒。脈必浮大而長。浮者太陽脈也。長者陽明脈也。當隨謹調之。本太陽證。因發汗多。則譫語。屬陽明。故有太陽陽明也。少陽證未解。猶當和解。不可便作陽明下之。

葛根湯 治太陽病。項背強。兀兀然無汗惡寒。并治三陽合病。自利。

葛根 一兩

麻黃 三分

桂心

芍藥

各五錢

甘草

三錢

右剉為散。每服五錢。水一盞半。生薑五片。大棗一枚。煎七分。去滓。食前溫服。三陽合病。不下利。但嘔者。加半夏六錢煎。

兩感證論并治法

兩感傷寒者。表裡俱病也。一日。太陽與少陰俱病。頭痛舌乾咽滿而

渴。二日。陽明與太陰俱病。腹滿身熱。不食譫語。三日。少陽與厥陰俱病。耳聾囊縮而厥。兩病俱作。治有先後。先宜救裏。臟氣內正。急宜攻表。救內固宜急。攻表亦不可緩也。救裡解表。各隨諸證而善用之。自非精妙甄別。其孰能與於斯。

四逆湯 治少陰傷寒。自利不渴。嘔噦不止。或吐利俱發。小便不利。或汗出過多。脈微欲絕。腹痛脹滿。手足冷。及一切虛寒厥冷。凡病傷寒。有此證候。皆由陽氣虛。有寒。雖更覺頭痛體疼。發熱惡寒。四肢拘急。表裡悉具者。不可攻表。宜先服此藥。以助陽救裡。

附子 五錢

炮薑 二分

炙草 一分

右剉散。每服五錢匕。水一盞半。煎七分。去滓。食前服。強人加乾薑一錢。或惡寒。脈微而利。利止仍亡血者。加人參五錢。或發汗。若下之病仍不解。煩躁者。加茯苓半兩。面赤者。加連翹。葱九莖。腹中痛。

者去葱。加芍藥一兩。嘔者加生薑一兩。咽痛者去芍藥。加桔梗五錢。

兩感治法料簡

桂枝麻黃皆攻太陽經表藥。方各見太陽經。其如陽明太陰少陽厥陰。並可於風寒二方論中。隨證施治。

陰毒證治

陰毒為病。手足冷。腰背強。頭疼。腹痛。或煩渴。精神恍惚。額與手背時出冷汗。聲音鄭重。爪甲面色青黑。多因脾腎虛寒。伏陰重感於寒所致。

附子散 治陰毒傷寒。唇青面黑。身重強。四肢冷。或因服冷藥過度。心腹脹滿。昏沉不識人。

附子 三分

桂心 當歸

白朮

半夏

各五錢

炮薑 三分

右為末。每服二錢。水二盞。生薑三片。煎六分。不以時熱服。衣覆取微汗。

返陰丹 治陰毒傷寒。心神煩躁。頭痛。四肢逆冷。面青腹脹。脈沉伏者。

硫黃

五兩通明者另研

硝石

太陰玄精石

各二兩各另研

炮薑

桂心

附子

各五錢

右用鐵銚。先鋪玄精。次下硝末各一半。中間鋪硫黃末。又將二兩餘末蓋上。以小蓋合着。熟炭火三斤。燒令得所。勿令烟出。急取瓦盆合着地上。四面灰蓋。勿令烟出。候冷取出。研細。入後藥為末。同研勻。米和九桐子大。艾湯下二三十丸。頓服。汗出為度。未退乃火着艾炷。灸臍下丹田氣海。更不退。則以葱餠熨之。

葱餠熨法

如氣虛陽脫。體冷無脈。氣息欲絕。不省人事。及傷寒厥。

陰百藥不效者。葱一束以索纏如餅餠大。只用白長二寸許。先火煖一面。令通熱。勿致灼人。乃以熱處着病人臍下。上以熨斗盛火熨之。令葱餅熱氣透入腹中。更作三四餅。遇一餅壞不可熨。易餅再熨。候病人醒。手足溫有汗乃差。更服四逆湯良。

陽毒證治

陽毒為病。躁熱面赤。咽痛。身斑色如錦紋。下利赤黃。內外結熱。舌焦。鼻黑。類如烟煤。妄言狂走。多因腸胃燥熱。陽氣獨盛。陰氣暴絕。妄服燥藥。熱食所致。

升麻湯 治陽毒傷寒。一二日便成陽毒。或服藥吐下後。變成陽毒。腰背痛。煩悶不安。面赤狂言。或走。或見鬼。或下利。面赤斑斑如錦紋。咽喉痛。下膿血。脈浮數。五日可治。七日不可治。

升麻

五錢

犀角

射干

黃芩

人參

炙草

各一分

右剉散每服五錢水一盞煎七分去滓熱服并進三四服溫覆汗出為度。

梔子仁湯 治陽毒傷寒壯熱百節疼痛。

黑梔 赤芍 大青 知母各一兩 升麻 杏仁 黃芩 石膏

各二兩 柴胡 兩半 炙草 五錢

右剉散每服四錢水一盞薑三片豉二十粒同煎七分去滓不以時服。

結胸證治

結胸證者心下堅滿按之石硬而痛心膈高起手不得近項強如柔瘕狀此本傷寒身熱醫下之早熱氣乘虛而入痞結不散之所致也若脈浮大皆不可下下之則死尚宜發汗若沉緊者宜以大小陷胸湯量輕重而下之又結胸有不按而痛者有按而痛者有水結在胸

脇間但頭汗出者。有熱實結者。有寒實結者。治之不可不知其輕重也。各有正方。

大陷胸湯 治傷寒表未解。醫反下之。膈內拒痛。手不可近。短氣煩躁。心中懊懣。舌燥而渴。熱實脈沉而緊。心下硬。大便不通。又治身無大熱。有水結在胸脇間者。

大黃

五錢

芒硝

四錢

甘遂

右為末。水三盞。先煮大黃。至一盞。入硝石。煮溶。下甘遂末。煮一沸。分二服。得利止。

小陷胸湯 治結胸病。在心按之則痛。脈浮滑者。

黃連

一錢

半夏

六錢

栝蒌實

一兩

水二盞。先煎栝蒌。至盞半。入前藥。煎六分。分二服。利黃涎沫即愈。大陷胸丸 治病發於陽。而反下之。熱入因作結胸。以下之太早故。

也。其病項強如柔痙狀下之則和。

大黃 二兩

葶藶 炒

杏仁 去皮
炒

芒硝 各三
分

右以前二味為末。將杏仁芒硝合研為脂。和藥丸如彈子大。一枚別杵甘遂末一錢。白蜜一大匙。水二盞。煎七分。頓服之一宿乃下。如不下。更服。取下為效。甘遂性猛。宜斟酌虛實用之。

胸痞證治

胸痞證者。胃中不和。心下堅硬。乾嘔惡寒。汗出。噫氣不除。亦有因傷寒身冷。醫反下之。遂成胸痞。

枳實理中湯 治傷寒及諸吐利後。胃痞欲絕。膈高起急痛。手不可近。

枳實 茯苓 人參 炮薑 甘草 各等分 白朮

右為末。蜜丸。一兩作四丸。熱湯化下。渴加花粉。下利加牡蠣粉。俱

等分。

桔梗枳壳湯

治中寒氣痞。胃滿欲死。

枳壳

麩炒

桔梗

等分

右剉為散。每服五錢。水一盞半。煎七分。去滓。食前服。

三黃湯

治傷寒陰證。下之太早。致心下痞。按之軟。其脈關上浮者。

主之。若表未解。未可攻。宜先隨風寒二證。投桂枝麻黃湯。表解已。

即服此方。

大黃 川連 黃芩

右剉散。每服五錢。沸湯一盞。熱清之一時久。去滓。分二服。或汗出。

惡寒。加附子。別煎汁。入一合。同服。

半夏瀉心湯

治心下痞滿而不痛者。

半夏

錢一兩

黃芩

人參

甘草

炮薑

各一兩

五錢

川連

五錢

右劉散為末。每服五錢。水一盞半。薑五片。棗一枚。煎七分。去滓溫服。或傷寒中風。醫反下之。下利日數十行。穀不化。腹中鳴。心下痞硬。乾嘔。心煩者。加甘草半兩。人參一兩。名甘草瀉心湯。或出汗解後。胃中不和。心下痞硬。乾噎食臭。脇下水鳴。下利者。加生薑一兩。減乾薑一兩。餘如正方。名生薑瀉心湯。

勞復證治

傷寒新瘥後。不能將攝。因憂愁思慮。勞神而復。或梳洗沐浴。作勞而復。皆謂之勞復。或飲食不節。謂之食復。此皆大病後。精神血氣。腸胃並虛之所致也。論有正方。依證調治。惟犯房室。為女勞復。多死不治。白朮散。治傷寒氣脈不和。憎寒壯熱。鼻塞腦悶。涕唾稠粘。痰嗽壅滯。或冒涉風濕。憎寒發熱。骨節煩疼。或中暑嘔吐眩暈。及大病後。將理失宜。食復勞復。病證如初。悉主之。又治五勞七傷。氣虛頭

眩精神恍惚。睡卧不寧。支體倦怠。潮熱盜汗。脾胃虛損。面色痿黃。飲食不美。嘔吐酸水。臟腑滑泄。腹內虛鳴。反胃吐逆。心腹絞痛。久瘥久痢。及膈氣咽塞。上氣喘促。坐卧不安。或飲食所傷。胸膈痞悶。腹脇脹。婦人胎前產后。血氣不和。霍亂吐瀉。氣厥不省人事。常服辟四時不正之氣。及山嵐瘴疫。神效不可具述。

白朮 一兩

白芷

甘草

青皮

陳皮

茯苓

山藥

香附

桔梗

各三兩

乾薑

五錢

右為末。每服二錢。匕水一盞。薑三片。棗一枚。木瓜乾一片。紫蘇二三葉。煎七分。食前服。若吐瀉。入白梅煎。喘入桑白皮杏仁煎。傷寒勞復。入薄荷煎。隔氣入木通三寸。麝香少許。中暑嘔逆。入香薷。胎前產後。氣血不和。入荆芥。霍亂入藿香煎。氣厥入鹽湯調下。

陰陽易證治

陰陽易者其男子病新瘥未平復而婦人與之交接得病名曰陽易
裡急腰踝連腹內痛婦人病新瘥未平復而男子與之交接得病名
曰陰易身重少氣陰瘡入裡腹內絞痛熱上沖胸頭痛不欲舉眼中
生花蓋男女病相換易故謂之陰陽易

燒裊散 治傷寒陰易其人身重少氣少腹裡急或引陰中拘攣熱
上沖胸頭重不欲舉眼中生花膝脛拘急悉皆主之

婦人裊襠燒灰存性

右細研方寸匕水調服小便利陰頭痛即愈

猥鼠糞湯 治丈夫傷寒病后女人與之交病名陽易

韭根一握去青約十半

猥鼠糞十四粒兩頭共者是

右二味水一盞煎半盞去滓頻頻溫服粘汗汗出為度未知再作

發斑證治

傷寒發斑者。蓋不當下而下之。熱則乘虛入胃。當下而失下。則胃熱不得泄。二者皆能發斑。其狀如錦紋。赤者易治。黑者難治。蓋熱毒入胃深也。

玄參升麻湯 治傷寒失下。不當下而下之也。熱毒在胃發斑如錦紋。甚則煩躁譫語。兼治喉閉腫痛。

玄參 升麻 炙草

各五錢

右剉散。每服五錢。水盞半。煎七分。溫服。濕毒亦能發斑。

吳鞠堂曰。仲景傷寒論三百九十七法。於六經無症不備。無語不精。真能讀之。可治萬病。故歷代醫學名大家。皆崇奉之。陳無擇此篇。就其提綱中要處。揭出。示人以簡而易知之法。別具苦心。然於六經傳變。及救逆大法。尚須精研全書。方知要領。是篇於六經傷寒用藥格法。推闡其所以然之故。真堪羽翼經旨。惟將五積散之

方。雜不純者。攬入其中。殊不可解。傷寒全書方法。至精至粹。愈讀而愈有味。無庸畫蛇添足也。

三因極一病源論粹方卷四終

三因極一病證方論粹卷之五

壞傷寒證治

壞傷寒者。以醫者不辨陰陽。錯謬汗下。致病不解。壞證亂經。又傷寒過經。熱留臟腑。病經數變。久而不差。陰陽無復紀律。皆名壞病。

知母麻黃湯 治壞傷寒。以傷寒瘥後。經久精神不守。言語錯亂。或潮熱。頰赤。寒熱如瘧。昏沉不愈。皆由汗下不止。毒在心包間所致也。

知母 麻黃 炙草 芍藥 黃芩 桂心

各兩半

右剉散。每服五錢。水一盞半。煎七分。去滓溫服。日三四服。若心煩欲飲水。稍稍與之。

無憂散 治傷寒調理失序。毒氣內結。胸腹脹滿。坐卧不安。日久不瘥。狂躁妄語。大小便不通。或復吐逆。

臘月黃牛膽

以天南星為末，入胆內，縛定，令緊，當風避日懸之，候乾取用。

右為末。以人參半兩煎湯七分一盞調末二錢乘熱服。遲頃更以熱人參湯投之。或睡便溺下黃黑惡物是效。

黑奴丸 治傷寒調理失序。醫所不治。及時行疫病。六七日不汗。脈洪數。面赤目瞪。身熱煩躁。狂言欲走。大渴。或口噤。精魂已散。但心下煖。幹開口灌藥。下咽即活。并治陽毒發斑。

麻黃

去節

大黃

小麥奴

芒硝

釜底煤

梁上塵

各另研

竈突墨

另研各一兩

右為末。煉蜜丸。彈子大。新汲水研下一丸。渴者與冷水。盡飲之。須臾當寒。寒竟汗出便瘥。若日移五尺不汗。依前法服一丸。差須病人大渴。乃可與之。不渴者莫服。

狐惑證治

狐惑證者。默默欲眠。目不得瞑。惡飲食。面目乍赤乍白乍黑。齒無色。舌上白聲。嗔咽乾。此因大病後。腸胃空虛。三虫求食。食人五臟。食其咽則為惑。其聲嗔。食下部則為狐。其咽乾。當看上唇有瘡。為狐虫食其臟。下唇有瘡。為惑虫食其肛。

桃仁湯

桃仁去皮

槐子研

艾各一兩

右剉散。每服五錢。水一大盞。薑三片。棗二枚。煎七分。去滓。食前服。
黃連犀角湯 治傷寒及諸病後。內有瘡。出下部。

黃連

半兩

犀角

一兩。如無。以升麻代。

烏梅七枚

木香一分

右剉散。每服五錢。水盞半。煎七分。去滓。食前服。

雄黃銳散 治下部蠱瘡。

雄黃研

青箱子

苦參

黃連

桃仁

去皮。共。研一分。

右為末。生艾搗汁。和如棗核大。錦裏納下部。扁竹汁更佳。無艾。只

用綿裹散子內下部亦得。

譫語證治

病有言語錯亂者。其證有二。有虛有實。虛則鄭聲。實則譫語。傷寒胃實。及三陽合病。婦人熱入血室。及下利而譫語者。皆屬實熱。大小便利。手足逆冷。脈微細。言語鄭聲者。皆屬虛寒。治之各有方。虛寒宜溫。如四逆湯之類。胃實宜下。承氣湯。婦人熱入血室。小柴胡湯。若譫語而四肢逆冷。脈沉細者不治。

四逆湯

方見兩感

柴胡湯

方見少陽證

大承氣湯

方見陽明經

病後虛煩證治

大病後心虛煩悶發熱。與傷寒相類。但不惡寒。與不頭痛為異。汗與人參竹葉湯。嘔者橘皮湯。諸病後多有此證。各見本門。

治汗下後表裡虛煩不可攻者。

竹葉 二把

人參

炙草

各三兩

半夏

兩半

石膏

麥冬

各五兩

右剉散。每服四錢。水一盞半。薑五片。粳米一撮。煎至米熟。去滓食前服。

橘皮湯 治動氣在下。不可發汗。發之反無汗。心中大煩。骨節疼痛。目運惡寒。食則反嘔。穀不得入。宜服此方。

橘皮

兩半

炙草

半兩

人參

一錢

竹茹

半兩

右㕮咀。每服五錢。水一盞。薑三片。棗一枚。煎七分。去滓。食前服。

料簡

凡傷寒中雜病。證狀非一。當隨門類。酌量施治可也。如發黃。則多用五疸中藥。只依黃疸治之。發狂已見陽毒門。吐衄便利瘀血。見失血門。下利見滯下。奔豚見五積。陰陽厥見厥論。嘔噦喘咳。見本門。其他更不繁錄。

吳黼堂曰。傷寒一書。凡經汗吐下燒針誤治者。皆屬壞病。救誤方法甚多。此篇方法無幾。非再熟讀仲景書不可也。惟按之又各有條理。治陰陽錯雜。治痰。治虫。治譫語。治病後虛煩。及動氣。多本仲景心法。陳氏具有見地。非隨意攙入以成書也。究之傷寒必讀全書方可。

傷暑敘論

傷暑者。乃夏至前後各三十日有奇。少陽相火用事之時也。炎熱大行。燂石流金。草萎河涸。人或傷之。則發熱自汗。面垢背寒。倦怠少氣。以暑消氣。氣消血散。與傷相類。此夏間即病。非冬傷寒。至夏發為熱病也。當以脈別之。傷暑脈虛無力。蓋因氣血消散。致脈虛弱。其傷寒則血泣而閉。脈緊而有力。大不同也。要畧言。傷寒家別有暍病。蓋詮次者見其一條別在後。故有是說。輕重不同。識者當自知之。

傷暑證治

病者身熱惡寒。頭痛狀如傷寒。或往來寒熱。如瘧。煩躁渴甚。眩暈嘔吐。背寒面垢。泄瀉昏悶不清。其脈陰陽俱虛。緩而弱。皆由傷暑之所致也。

却暑散 治冒暑伏熱。頭目眩暈。嘔吐泄利。煩渴而背寒面垢。

赤茯苓

生甘草

各四兩

寒食麩

生薑

各一斤切投麩令白

右為末。每服二錢。新汲水調下。或湯點。不拘時服。

五苓散 治傷暑煩渴。引飲無度。兼治傷寒溫熱。表裡未解。煩渴引

水。水入即吐。或小便不利。及汗出表解。煩渴不止。又治霍亂吐利。

黃疸溫疫

澤瀉

兩半

桂心

一兩

猪苓

去皮

赤茯苓

白朮

各一兩半

右為末。每服二錢。沸湯調。不拘時服。服訖多飲熱湯。汗出即愈。

桂苓丸

治煩渴消痰飲寬胸膈

桂心 白朮 各二兩

赤茯苓 三兩

烏梅肉 一兩

乾薑 一兩

炙草 五錢

右為末。蜜丸。彈子大。每服一九至二九。細嚼。沸湯送下。

香薷丸 治大人小兒傷暑伏熱。躁渴昏悶。頭目昏眩。胸膈煩滿。嘔

噦惡心。口苦舌乾。支體困倦。不思飲食。或發霍亂吐利轉筋。並宜

服之。

香薷 去梗

紫蘇 去梗

乾木瓜 各一兩

丁香

炙草

檀香

白茯苓 藿香

右為末。蜜丸。彈子大。每服一九至二九。熟水嚼下。或新汲水化下。

小兒半丸

消毒丸 治中暑煩渴。眩暈寒熱。

半夏 炮去滑。米泔煮令透。一斤。 茯苓 生甘草 各半兩

右為末。蜜丸。桐子大。每服三十九。新汲水不拘時下。

吳黼堂曰。暑為熱氣。其感人往往身體倦怠。肌肉消燥。葉天士對於此病。每取辛涼輕清通液之品。最為精妙。蓋從孫真人。生脈飲用意悟出也。是篇大致不差。而葉法尤當補出。

傷濕敘論

經云。濕為停着。凡關節疼痛。重痺而弱。皆為濕着。若氣不平。亦使人半身不遂。口眼歪斜。涎潮昏塞。此中濕之候也。夫寒熱風濕。皆能并合為疾。所謂風濕寒濕。濕溫者。其證各有不同。為治亦別。不可不辨。若治風濕寒濕。當發其汗。但微微似汗出。則風濕俱去。若大汗出。風去濕不去。則不能愈。若治單單中濕。只宜利小便。忌不得以火攻。并轉利濕。家下之。額上汗出。微喘。小便不利者死。若下利不止者亦死。論曰。治濕不利小便。非其治也。

傷濕證治

病者身重脚弱關節重疼發熱惡寒小便閉澀大便殮泄自汗腰脚冷痺腿膝浮腫小便或自利不渴皆久坐卑濕或為雨露所襲或汗出沾衣受濕漸漬得之名曰濕痺

腎着湯 治身重腰冷痺如坐水中形如水狀反不渴小便自利飲食如故病屬下焦從身勞汗出衣裏冷濕久而得之腰以下冷痛腰重如帶五千錢

白朮

炙草

各三兩

炮薑

茯苓

各四兩

右剉散每服四錢水盞半煎七分去滓空心服

滲濕湯 治坐卧濕地或為雨露所襲身重脚弱關節疼痛發熱惡寒或小便秘塞大便殮泄或汗出衣裡濕漬得之腿膝或腫小便利反不渴

蒼朮未泔浸

白朮

炙各二兩

乾薑炮

茯苓各四兩

陳皮

丁香

各半兩

右剉散。每服四錢。水盞半。薑三片。棗二枚。煎七分。去滓溫服。

寒濕證治

病者身體煩疼。無汗。惡寒。發熱。脈浮緩細。皆寒濕相併所致也。

麻黃白朮湯 治寒濕身體煩疼。無汗惡寒發熱者。

麻黃

去節三兩

桂心

二兩

炙草

一兩

杏仁

二十五粒 去皮尖 研

白朮

風濕證治

病者身疼。日晡發熱。不能轉側。短氣汗出。惡風不欲去衣。或身微腫。

脈浮弦細。此風濕相搏。或汗出當風所致也。

桂枝附子湯 治風濕相搏。身體煩疼。掣痛。不得屈伸。汗出。短氣。小

便不利。惡風不欲去衣。或身微腫。

桂枝 四兩

白朮

附子

炮去皮臍
各三兩

甘草 二兩

右ㄟ咀。每服四大錢。水盞半。薑五片。棗二枚。煎七分。去滓。空心溫服。或大便秘則去桂。小便不利。悸氣。加茯苓三兩。痺加防己四兩。腹痛加芍藥四兩。

風濕寒證治

病者汗出身重。惡風。喘氣。腹內不和。下氣上衝。臍下連脚冷痺。不能自屈伸。骨節煩痛。近之則痛極如歷節狀。此由冒風濕寒。三氣雜至而為病也。

防己黃芪湯

治傷風濕寒。脚浮紫細。身重汗出。惡風。并治風水脈

浮。身重不渴。

防己 四兩

黃芪 五兩

炙草

白朮

各三兩

右ㄟ咀。每服五錢。水盞半。薑五片。棗四枚。煎七分。去滓。空心服。喘

者加麻黃。胃中不和加芍藥。氣上冲加桂。下有陳寒加細辛。服藥後當如虫行皮中。從腰以下如水浸。坐被上。又以一被繞身腰。以下溫令微汗差。

風濕溫證治

病者煩渴引飲。心腹冷痛。躁悶。口乾面垢。惡寒惡風。饑不能食。眩暈嘔噦。此伏暑中風濕所致也。治之各有方法。

白朮茯苓乾薑湯 治伏暑中風濕。煩渴引飲。心腹疼痛。躁悶。口乾面垢。洒洒惡寒。浙浙惡風。微汗。飢不能食。

白朮 乾薑 茯苓 細辛 桂心 乾葛 甘草 橘皮 烏梅 香豉

右咬咀等分為末。每服二錢。白湯點下。

暑風濕溫證治

暑者六氣之一。能與風濕併合為病。循經流入諸臟。但與寒不相得。故有暑濕風濕之證。暑濕者惡寒反熱自汗。關節盡痛。頭目昏眩。手足倦怠。不自勝持。此併傷暑濕所致也。風濕者頭痛身熱。常自汗出。體重喘息。四肢不收。嘿嘿欲眠。此由先傷風。後傷暑所致也。治之各有方法。

茯苓白朮湯 治冒暑毒。加以着濕。或汗未乾。即浴。皆成暑濕。

茯苓 炮薑 甘草 白朮 桂心

各一兩

右咬咀。每服四錢。水一盞。煎七分。去滓空心服。

姜蕤湯 治風濕兼療冬溫。及春月中風傷寒。發熱。頭眩痛。咽喉乾。舌強。胸內疼痛。痞滿。腰背拘急。

姜蕤

三分

麻黃

炙草

白薇

葛根

羌活

杏仁

去皮尖各半兩

石膏

一兩

川芎

青木香

一分

右呔咀。每服五錢。水盞半。煎七分。去滓空心服。木香冬用一兩。春用半兩。

吳黼堂曰。此漢晉以來治濕兼風寒溫暑不易之良法也。方俱精粹。君火論。

五行各一。惟火有二者。乃君相之不同。相火則麗於五行。人之日用者是也。至於君火。乃二氣之本原。萬物之所資始。人之初生。必投生於父精母血之中。而形成精屬腎。腎屬水。故天一而生水。血屬心。心屬火。故地二而生火。識為玄。玄屬水。故天三而生水。乃太乙含三引六之義也。亦道生一。一生二。二生三之數也。則知精血乃裁成於識。以識動則暖。靜則息。靜息無象。暖觸可知。故命此暖識以為君火。正內典所謂暖識息三連持壽命者是也。然其所以謂之君火者。以其不行炎暑。象君之德。萬物資始。象君之化。位居少陽。象君之政。神明出。

人象君之令。故君亦天也。天亦君也。乾以元亨利貞而運行於其上。君以德化政令而輔成於其下。天道順序則生長化收藏不失其時。君道助順故進退存亡不失其正。其實皆一理也。成象取法雖主配于心腎推而明之。一點精明無物不備。是宜君火之用。上合昭昭下合冥冥。與萬物俱生而無所間斷也。醫者苟不明此皆墮於術數技藝與夫瞽史之用。易拘拘於卜筮休咎之中。吾見其大蔽聖人之道未聞有益于天下後世也。悲夫。

五運論

夫五運六氣乃天地陰陽運行升降之常道也。五運流行有太過不及之異。六氣升降則有逆從勝復之差。凡不合於德化政令者則為變青。皆能病人。故經云。六經波蕩。五氣傾移。太過不及。專勝兼併。所謂治化人應之也。或遇變青。幸與災沴。因鬱發以亂其真常之德而

致折復隨人藏氣虛實而為病者謂之時氣與夫感冒中傷天行疫
疹顯然不同前哲知夫天地有餘不足違戾之氣還以天地所生德
味而平治之經論昭然人鮮留意恐成湮沒故敘而紀之

五運時氣民病證治

凡遇六壬年發生之紀歲木太過風氣流行脾土受邪民病飧泄食
減體重煩冤腸鳴脇支滿甚則忽忽喜怒眩冒顛疾為金所復則反
脇痛而吐甚則衝陽絕者死

苓朮湯 治脾胃感風殄洩注下腸鳴腹滿四肢重滯忽忽善怒眩
冒顛暈或左脇偏疼

白茯苓

厚朴

薑汁製

白朮

青皮

乾薑

炮

半夏

湯泡去滑

草

果

去皮

炙草

各等分

右咬咀每服四錢水盞半薑三片棗二枚煎七分去滓空心服

凡遇六戊年赫曦之紀歲火太過炎暑流行肺金受邪民病痰癘少氣咳喘血溢泄瀉噤燥耳聾中熱肩背熱甚胃中痛脇支滿背髀并兩臂痛身熱骨痛而為浸淫為水所復則反譫妄狂越咳喘息鳴血溢泄瀉不已甚則大淵絕者死

麥門冬湯 治肺經受熱上氣咳喘咯血痰壅噤乾耳聾泄瀉胸脇滿痛連肩背兩臂膊疼息高

麥門冬 去心 香白芷 半夏 竹葉 甘草 鍾乳粉 桑白皮

紫苑 取茸 人參 各等分

右咬咀每服四錢水蓋半薑二片棗一枚煎七分去滓空心服

凡遇六甲年敦阜之紀歲土太過雨濕流行腎水受邪民病腹痛清厥意不樂體重煩冤甚則肌肉痿足痿不收肝善癢脚下痛中滿食減四肢不舉為風所復則反腹脹溇洩腸鳴甚則大谿絕者死

附子山萸菜湯 治腎經受濕腹痛寒厥足痿不收腰腫痛行步艱難甚則中滿食不下或腸鳴澹泄

附子 山萸肉 各一兩 乾木瓜 烏梅 各半兩 半夏 肉豆蔻 各三

錢 藿香 丁香 各一錢

右咬咀每服四錢水盞半薑七片棗一枚煎七分去滓空心服

凡遇六庚年堅成之紀歲金太過燥氣流行肝木流邪民病脇與小腹痛目赤皆痒耳無聞體重煩冤胸痛引背脇滿引小腹甚則喘欬逆氣背肩尻陰股膝髀膈脘足痛為火所復則暴痛眩脇不可反側欬逆甚而血溢太衝絕者死

牛膝木瓜湯 治肝虛過歲氣燥濕更勝脇連小腹拘急疼痛耳聾目赤咳逆肩背連尻陰股膝髀膈脘皆痛悉主之

牛膝 酒浸 木瓜 各一兩 芍藥 杜仲 去皮各一兩 枸杞子 黃松

節 兔絲子

酒浸

天麻

各五錢

炙草

半兩

右咬咀。每服四錢。水盪半。薑三片。棗一枚。煎七分。去滓。空心服。

凡遇六丙年漫衍之紀。歲水太過。寒氣流行。邪害心火。民病身熱。煩心躁悸。陰厥上下中寒。譫妄心痛。甚則腹大脰腫。喘咳寢汗。憎風。為土所復。則反腹滿腸鳴。澹泄食不化。渴而妄冒。甚則神門絕者死。

川連茯苓湯 治心虛為寒冷所中。身熱心躁。手足反寒。心腹腫痛。

喘喝自汗。甚則大腸便血。

黃連

茯苓

各一兩

麥冬

去心

車前子

通草

遠志

去心。薑汁製。各半兩。

半夏

黃芩

炙草

各一錢

右咬咀。每服四錢。水盪半。薑七片。棗一枚。煎七分。去滓。空心服。

凡遇六丁年委和之紀。歲木不及。燥乃盛行。民病中清。脘脇小腹痛。

腸鳴澹泄。為火所復。則反寒。熱瘡瘍。瘰癧腫。咳而軌。

茯苓牛膝湯。治肝虛為燥。熱所傷。胛脇并小腹痛。腸鳴澹泄。或發

熱。徧體瘡瘍。咳嗽。肢滿鼻軌。

肉茯苓

酒浸

牛膝

酒浸

乾木瓜

白芍藥

熟地黄

當歸

炙草

各等分

右以咀。每服四錢。水盞半。薑三片。烏梅半個。煎七分。去滓。空心服。筋痿脚弱。鎊鹿角屑同煎。

遇六癸年。伏明之紀。歲火不及。寒乃盛行。民病胃痛。脇支滿。應背肩。胛兩臂內痛。鬱冒矇昧。心痛。暴瘖。甚則屈不能伸。髌髀攣痛。為土所復。則反驚澹。食飲不下。寒中。腸鳴。泄注。腹痛。暴攣痿痺。足不能任身。黃芪茯神湯。治心虛挾寒。胸中痛。兩脇連肩背肢滿。噎塞鬱冒。矇昧。髌髀攣痛。不能屈伸。或下利澹泄。飲食不進。腹痛。手足痿痺。

不能任身。

黃芪 茯神 遠志

薑汁
醃炒

紫河車

米仁

炒等
分

右咬咀。每服四錢。水盞半。薑三片。棗一枚。煎七分。去滓。空心服。

遇六已年卑監之紀。歲土不及。風氣盛行。民病飧泄。霍亂。體重腹痛。筋骨繇併。肌肉瞶酸。善怒。為金所復。則反胃脇暴痛。下引小腹。善太息。氣客於脾。食少失味。

白朮厚朴湯 治脾虛風冷所傷。心腹脹滿疼痛。四肢筋骨重弱。肌肉瞶動。酸廝善怒。霍亂吐瀉。或胸脇暴痛。下引小腹。善太息。食少失味。

白朮 厚朴製

半夏

桂心

藿香

青皮

各二
兩

炮薑

炙

草 各半
兩

右咬咀。每服四錢。水盞半。薑三片。棗一枚。煎七分。去滓。食前溫服。

遇六乙年從革之紀歲。金不及。炎火盛行。民病肩背脊重。孰嚏血便注下。為水所復。則反頭腦戶痛。延及顛頂。發熱。口瘡。心痛。

紫苑湯 治肺虛感熱。咳嗽喘滿。自汗衄血。肩背脊重。血便注下。或腦戶連顛頂痛。發熱。口瘡。心痛。

紫苑茸

白芷

人參

甘草

黃芪

地骨皮

杏仁

去皮

桑皮

炙各等分

右以咀。每服四錢。水盞半。薑三片。棗一枚。煎七分。去滓。空心服。

遇六辛年涸流之紀歲。水不及。濕乃盛行。民病癰滿。身重。濡泄。寒瘍。腰膕。膈股。膝痛。不便。煩冤。足痿。清厥。脚下痛。甚則肘腫。腎氣不行。為木所復。則反面色時變。筋骨并攣。肉潤。瘰。目視眈眈。肌肉胗發。氣并膈中。痛于心腹。

五味子湯

治腎氣虛。卧坐濕地。腰膝重着。疼痛。腹脹滿。濡泄無度。

行步艱難。足痿清厥。甚則浮腫。面色不常。或筋骨并辟。目視眈眈。膈中及咽痛。

五味子

附子

炮去皮臍

巴戟肉

去心

鹿茸

煉去毛酥炙

山萸肉

熟地

杜仲

薑汁炒各等分

右咬咀。每服四錢。水一大盞。薑七片。鹽少許。煎七分。去滓。食前服。以差為度。

凡六壬六戊六甲六庚六丙歲。乃木火土金水太過。五運先天。六丁六癸六己六乙六辛歲。乃木火土金水不及。為五運後天。民病所感。治之各以五味所勝。調和以平為期。

六氣敘論

夫陰陽升降。在天在泉。上下有位。左右有紀。地理之應。標本不同。氣應異象。逆順變生。太過不及。悉能病人。世謂之時氣者。皆天氣運動。

之所為也。今先次地理本氣。然後以天氣加臨為標。有勝有復。隨氣主治。則悉見病源矣。

本氣論

自大寒後至春分。厥陰風木為一主氣

春分至小滿。少陰君火為二主氣

小滿至大暑。少陽相火為三主氣

大暑至秋分。太陰濕土為四主氣

秋分至小雪。陽明燥金為五主氣

小雪至大寒。太陽寒水為六主氣

凡一氣所管六十日八十七刻半。為本氣。後以天之六氣臨御。觀其逆從。以藥調和。使上下合德。無相奪倫。此天地之紀綱。變化之淵源。不可不深明之。

六氣時行民病證治

辰戌之歲。太陽司天。太陰在泉。氣化運行先天。初之氣。乃少陽相火。加臨厥陰風木。民病瘧。身熱頭痛。嘔吐。肌腠瘡瘍。二之氣。陽明燥金。

加臨少陰君火。民病氣鬱中滿。三之氣。太陽寒水。加臨少陽相火。民病寒。及熱中癰疽。注下。心熱脊悶。四之氣。厥陰風木。加臨太陰濕土。風濕交爭。民病太熱少氣。肌肉痿。足痿。注下赤白。五之氣。少陰君火。加臨陽明燥金。民病迺舒。終之氣。太陰濕土。加臨太陽寒水。民病慘悽。孕死。治法宜用甘溫以平水。酸苦以補火。抑其運氣。扶其不勝。

靜順湯

治辰戌歲太陽司天。太陰在泉。民病身熱頭痛。嘔吐氣鬱。

中滿脊悶。少氣足痿。注下赤白。肌腠瘡瘍。發為癰疽。

白茯苓

木瓜乾

各一兩

附子製

牛膝

酒浸各三分

防風

去叉

訶子

炮去核

炮薑

炙草

各半兩

右咬咀。每服四大錢。水盞半。煎七分。去渣空心服。其年自大寒至春分。宜去附子。加枸杞半兩。自春分至小滿。依前入附子。枸杞自

小滿至大暑。去附子。木瓜。乾薑。加人參。枸杞。地榆。香白芷。生薑。各三兩。自大暑至秋分。依正方。加石榴皮半兩。自秋分至小雪。依正方。自小雪至大寒。去牛膝。加當歸。芍藥。炒阿膠。各三分。

卯酉之歲。陽明司天。少陰在泉。氣化運行。後天初之氣。太陰濕土。加厥陰風木。此下尅上。民病中濕。腫脹。面目浮腫。善上。欬。衄。嚏。欠。嘔吐。小便黃赤。甚則淋。二之氣。少陽相火。加少陰君火。此臣居君位。民病癘夭。至善暴死。三之氣。陽明燥金。加少陽相火。燥熱交合。民病寒熱。四之氣。太陽寒水。加太陰濕土。此下土尅上水。民病暴仆。振慄。譫妄。少氣。咽乾。引飲。心痛。癰腫。瘡瘍。寒。瘧。骨痠。便血。五之氣。厥陰風木。加陽明燥金。民病氣和。終之氣。少陰君火。加太陽寒水。此下尅上。民病濕。

治法。宜鹹寒。以抑火。辛甘。以助金。汗之。清。清水散之。安其運氣。

審平湯。治卯酉之歲。陽明司天。少陰在泉。病者中熱。面浮。鼻鼾。小

便黃赤甚則淋。或癘氣行。善暴仆。振慄譫妄。寒瘧癰腫便血。

遠志肉

薑汁炒

紫檀香

各一兩

天門冬

去心

山茱萸

各三兩

白

朮 白芍藥

炙甘草

生薑

各五錢

右以咀。每服四錢。水盞半。煎七分。去渣。食前服。自大寒至春分。加

白茯苓。半夏。紫蘇。生薑。各半兩。自春分至小滿。加玄參。白薇。各半

兩。自小滿至大暑。去遠志。山萸。白朮。加丹參。澤瀉。自大暑至秋分。

去遠志。白朮。加棗仁。車前子。各半兩。自秋分至大寒。並依正方。

寅申之歲。少陽相火司天。厥陰風木在泉。氣化運行先天。初之氣。少

陰君火。加厥陰風木。民病溫。氣拂於上。血溢目赤。欬逆頭痛。血崩脇

滿。膚腠生瘡。二之氣。太陰濕土。加少陰君火。民病熱鬱。欬逆嘔吐。胸

臆不利。頭痛身熱。昏憤膿瘡。三之氣。少陽相火。加相火。民病熱中。聾

瞑。血溢。膿瘡。欬嘔。衄衄。渴噉。喉痺。目赤。善暴死。四之氣。陽明燥金。

加太陰濕土。民病胸滿身重。五之氣。太陽寒水。加陽明燥金。民避寒邪。君子周密。終之氣。厥陰風木。加太陽寒水。民病開閉不禁。心痛。陽氣不藏而欬。治法。宜鹹寒平其上。辛溫治其內。宜滲之泄之清之發之。

升明湯 治寅申之歲。少陽相火司天。厥陰風木在泉。病者氣鬱熱。血溢目赤。欬逆頭痛。脇滿嘔吐。胸臆不利。聾瞑渴身重心痛。陽氣不藏。瘡瘍煩躁。

紫檀香

車前子

炒

青皮

半夏

酸棗仁

薔蘼

生薑

炙草

各半兩

右㕮咀。每服四錢。水盞半。煎七分。去渣。空心服。自大寒至春分。加白薇。玄參。各半兩。自春分至小滿。加丁香一錢。自小滿至大暑。加漏蘆。升麻。赤芍。各半兩。自大暑至秋分。加茯苓半兩。自秋分至小

雪依正方。自小雪至大寒。加五味子半兩。

丑未之歲。太陰濕土司天。太陽寒水在泉。氣化運行後天。初之氣厥陰風木加風木。民病血溢。筋絡拘強。關節不利。身重筋痠。二之氣少陰君火加君火。民病溫癘盛行。遠近咸若。三之氣太陰濕土加少陽相火。民病身重。肘腫。脅腹滿。四之氣少陽相火加太陰濕土。民病腠理熱。血暴溢。瘧。心腹脹甚。則浮腫。五之氣陽明燥金加陽明燥金。民病皮膚寒。氣及體終之氣。太陽寒水加太陽寒水。民病關節禁固。腰膈痛。治法。用酸以平其上。甘溫以治其下。以苦燥之。溫之。甚則發之。泄之。贊其陽火。令禦其寒。

備化湯 治丑未之歲。太陰濕土司天。太陽寒水在泉。病者關節不利。筋脈拘急。身重痿弱。或溫癘盛行。遠近咸若。或胸腹滿悶。甚則浮腫寒瘧。血溢腰膈痛。

乾木瓜

茯神

去木各一兩

牛膝

酒浸

附子

炮去皮臍各三分

熟地黃

覆盆子

各半兩

生甘草一分

生薑三分

右咬咀。每服四大錢。水盞半。煎七分。去滓。食前服。自大寒至春分。依正方。自春分至小滿。去附子。加天麻。防風各半兩。自小滿至大暑。加澤瀉三分。自大暑直至大寒。並依正方。

子午之歲。少陰君火司天。陽明燥金在泉。氣化運行先天。初之氣。太陽寒水。加厥陰風木。民病關節禁固。腰脰痛。中外瘡瘍。二之氣。厥陰風木。加少陰君火。民病淋。目赤。氣鬱而熱。三之氣。少陰君火。加少陽相火。民病熱。厥心痛。寒熱更作。欬喘。目赤。四之氣。太陰濕土。加太陰濕土。民病黃疸。欬衄。噎乾吐飲。五之氣。少陽相火。加陽明燥金。民乃安康。終之氣。陽明燥金。加太陽寒水。民病上腫。欬喘。甚則血溢。下連小腹。而作寒中。治法。鹹以平其上。苦熱以治其內。鹹以軟之。苦以發之。

酸以收之。

正陽湯 治子午之歲少陰君火司天陽明燥金在泉病者關節禁固腰痛氣鬱熱小便淋目赤心痛寒熱更作咳喘或嘔衄嗝咽吐飲發黃疸喘甚則連小腹而作寒中悉主之。

白薇 玄參 川芎 桑白皮 當歸 芍藥 旋覆花 甘草

炙 生薑 各半兩

右咬咀每服四錢水盞半煎七分去滓空心服下自大寒至春分加杏仁升麻各半兩自春分至小滿加茯苓車前子各半兩自小滿至大暑加杏仁麻仁各一分自大暑至秋分加荊芥茵陳蒿各一分自秋分至小雪依正方自小雪至大寒加紫蘇子半兩。

己亥之歲厥陰風木司天少陽相火在泉氣化運行後天初之氣陽明燥金加厥陰風木民病寒於右脇下二之氣太陽寒水加少陰君

火。民病熱中。三之氣。厥陰風木。加少陽相火。民病淚出耳鳴掉眩。四之氣。少陰君火。加太陰濕土。民病黃疸。胛腫。五之氣。太陰濕土。加陽明燥金。燥濕相勝。寒氣及體。終之氣。少陽相火。加太陽寒水。此下水。尅上火。民病溫癘。治法。宜用辛涼平其上。鹹寒調其下。畏火之氣。無妄犯之。

敷和湯 治己亥之歲。厥陰風木司天。少陽相火在泉。病者中熱。而

反右脇下寒。耳鳴淚出。掉眩。燥濕相搏。民病黃疸浮腫。時作溫癘。

半夏 棗肉 五味子

炮薑

枳實

麩炒

茯苓

訶子

炮去核

橘皮

炙草

各五錢

右咬咀。每服四錢。水盞半。煎七分。去渣空心服。自大寒至春分。加鼠粘子一分。自春分至小滿。加麥門冬。去心。山藥各一分。自小滿至大暑。加紫苑一分。自大暑至秋分。加澤瀉。山梔仁各一分。自秋

分至大寒。並依正方。

六氣凡例

凡六氣數起於上。而終於下。歲半之前。自大寒後。天氣主之。歲半以後。自大暑後。地氣主之。上下交互。氣交主之。司氣以熱。用熱。無犯。司氣以寒。用寒。無犯。司氣以涼。用涼。無犯。司氣以溫。用溫。無犯。司氣同其主。亦無犯。異主。則少犯之。謂之四畏。若天氣反時。可依時及勝其主。則可犯。以平為期。不可過也。

吳鞠堂曰。運氣為病。當隨其勝復。為之劑酌。以臻於平。其間必隨臟腑軀體而見症。有時可憑。亦有時而不可憑。是篇根據甲子用藥。按圖索驥。為一定之理法。以備考證。則可耳。

三因極一病源論粹方卷之五終